

Zijad Jagodić

Inicijativa upućena Kolegiju Predstavničkog doma: „Uzimajući u obzir izuzetno teško i kompleksno stanje u BiH u svim oblastima kao i jučerašnji (22.5.2013.) izvještaj gđe Doris Pak u Vijeću Evrope, koji je podržao i Štefan File, a koji je bio krajnje negativan za BiH, iniciram da se i u ljetnom periodu zakazuju sjednice ovog parlamenta dva puta mjesečno s ciljem bržeg rješavanja nagomilanih obaveza i problema.“

Inicijativa upućena Vijeću ministara BiH, Uredu za veterinarstvo BiH, Agenciji za sigurnost hrane BiH i Upravi za indirektno oporezivanje BiH: „U skladu s članom 8. Poslovnika Predstavničkog doma Parlamentarne skupštine BiH, podnosim poslaničku inicijativu za Vijeće ministara BiH, Ured za veterinarstvo BiH, Agenciju za sigurnost hrane BiH i Upravu za indirektno oporezivanje BiH. S obzirom na svakodnevne sigurnosne i tehničke propuste u zemljama EU, ali i okruženju što se sve značajnije zdravstveno ali i ekonomski negativno reflektira na naše stanovništvo i ekonomiju, iniciram osjetnije pooštavanje uslova uvoza, uključujući i carine i to za lijekove svih vrsta, hranu, alkohol, cigarete i tekstil.“

Inicijativa upućena Vladi Federacije BiH, Vladi Republike Srpske i Vladi Brčko Distrikta BiH: „U skladu s članom 8. Poslovnika Predstavničkog doma Parlamentarne skupštine BiH, podnosim poslaničku inicijativu za Vladu Federacije BiH, Vladu Republike Srpske i Vladu Brčko Distrikta BiH da putem nadležnih komisija za vrijednosne papire, kao i agencija za privatizaciju, izvrše kontrolu svih značajnijih i sumnjivih berzovnih transakcija i privatizacijskih ugovora, te da ih pod hitno stave u fazu mirovanja i zabrane sve aktivnosti u privrednim društvima kao i fondovima do okončanja i pojašnjenja svih sumnji i dilema.“

Pitanja postavljena Vijeću ministara BiH:

1. „Šta Vijeće ministara BiH namjerava preduzeti na jačanju institucionalnog upravljanja prema rezultatima rada, te promjeni stavova u planiranju, stilu rukovođenja, razvijanju kapaciteta rukovodilaca, vođstva i delegiranja odgovornosti – a što se kao propust navodi i u revizorskim izvještajima?
2. Kada možemo očekivati da Vijeće ministara BiH sve strateške i godišnje planove kao i izvještaje o radu svojih tijela počne objavljivati na internetu?“

Pitanja postavljena Graničnoj policiji BiH:

1. „Da li je iko od odgovornih lica GPBiH na graničnim prijelazima (Rača, Pavlovića Most, Izačić, Karakaj, Aerodrom Sarajevo, Uvac, Gradiška, Kamensko, Brod, Šepak, Bratunac, Orašje i drugim) zbog ličnih propusta smijenjen s dužnosti ili na bilo koji način kažnjen (po imenu i prezimenu) u posljednje tri godine i zašto?
2. Da li je neko u GPBiH u posljednje tri godine kažnjen a da se u postupcima dokazalo da za to nije odgovoran?
3. Da li ima sudskih predmeta (kao zahtjeva za naknadu štete) koji se vode protiv GPBiH a da su za to odgovorni ljudi u GPBiH i o čemu je riječ?
4. Šta je ključni problem i nedostatak za normalno funkcioniranje ove vrlo važne državne institucije?“

Pitanja postavljena Upravi za indirektno oporezivanje BiH:

1. „Da li je iko od odgovornih lica UIOBiH na graničnim prijelazima (Rača, Pavlovića Most, Izačić, Karakaj, Aerodrom Sarajevo, Uvac, Gradiška, Kamensko, Brod, Šepak, Bratunac i Orašje) smijenjen s dužnosti ili na bilo koji način kažnjen (po imenu i prezimenu) zbog propusta u krijumčarenju robe u posljednje tri godine i zašto?
2. Da li je neko u UIOBiH u posljednje tri godine kažnjen a da se u postupcima dokazalo da za to nije odgovoran?
3. Da li ima sudskih predmeta (kao zahtjeva za naknadu štete) koji se vode protiv UIOBiH, a da su za to odgovorni ljudi u UIOBiH i o čemu je riječ?“

